

迎春詞四首

翟志成

其一

昨夜玄雲挾雨絲，寒窗僵臥夢回遲。推門乍睹梅花面。
春到人寰再勿疑。

其二

忽見鶯飛又一年，異鄉醉眼也嫣然。春絲恰似堂前柳，
暗惹晴煙入眼前。

其三

唯有桂花最多情，隔牆日日送芳馨。鄰人夜半吹長笛，
無盡春心照月明。

其四

紫蝶黃蜂曼舞時，碧桃初發傾城姿。斜陽草樹經行處，
半覓風流半覓詩。